

S. D. N. D. CLEMENTIS

Diuina prouidentia PP. V I I I.

Pro Ordine S. B A S I L I I Hispaniarum.

DECRETA REFORMATIONIS.



CLEMENS PAPA VIII.

Ad perpetuam rei memoriam.



X iniuncto nobis Apostolicę seruitutis officio ad ea sollicitę
semper intendimus, per quę Religiosorum Virorū sub stri-
ctiori regulę obseruantia Altissimo famulari cupientium
reformationi, ac prospero & felici gubernio opportunę cō-
sultitur, prout in Domino salubriter conspiciamus expedi-
re. Nuper siquidem Venerabilis Frater noster Iulius An-

tonius Episcopus Prænestinus Cardinalis Sanctę Seuerinę nuncupatus in-
frascriptas regulas, & constitutiones pro reformatione Prouincię Hispanię
Ordinis Monachorum Sancti Basilij, cuius apud Nos & Apostolicam Sedē
Protector ipse Iulius Antonius Episcopus Cardinalis existit, editas, & ab
ipso Iulio Antonio Episcopo Cardinale diligenter examinatas nobis Apo-
stolica auctoritate approbandas, & confirmandas proposuit, quarum tenor
talis est, videlicet

A

De

De reformatione Prouinciæ Hispaniæ Ordinis S. Basilij Magni.

Sacrofancti Concilij Tridentini de Regularium reformatione vestigijs inhærentes, vt Monachi S. Basilij ad regulam quam professi sunt, vitam instituant, & componant. Et in primis quæ ad suæ professionis perfectionem, velut obedientiæ, paupertatis, & castitatis, & alia suæ Religionis peculiaria vota, & præcepta, necnon ad communem vitam, victum, & vestitum concernentia fideliter obseruent, in primis declaramus Sancti Basilij institutum Monachale, & vitæ contemplatiuæ esse, & non solum cum cæteris in tribus substantialibus votis conuenire, sed etiam peculiaria præcepta suam essentiam concernentia quædam habere. Quorum præcipua duo sunt, alterum in oratione, alterum in manuum labore exercitatio. Quibus etiam alia accedunt ad communem vitam, victum, & vestitum concernentia. De quibus in his tantum quæ in Monasterijs Hispaniæ reformatione indigent agendum nobis est.

De vita communi.

Quoniam autem finis præcepti charitas est, præcipimus vt omnes Monachi in præsentī reformatione charitatem communem, consimilemque vitam in omnibus obseruent iuxta regulam quam professi sunt, & Monastica instituta, tam in oratione, choro, & labore, quam in cibis, vestimentis, calceamentis, & reliqua regularis disciplinæ obseruantia, ita vt vbi multi vnus, & vnus non solus, sed in pluribus habeatur, & vnusquisque in officio suo persistendo, commune semper decus disciplinæ charum habeat, & communem, æqualemque cum omnibus coniunctionem.

De numero Monachorum.

Quæ quidem vita communis, & regularis obseruantia, vt rectius inter multos possit obseruari, Volumus, præcipimusque vt extinctis, ac funditus euerfis huius Prouinciæ Monasterijs, seu domibus paruis, & eorū Monachis, & possessionibus in maiora, licet pauca redactis in nullo Monasterio minor viginti Monachorum numerus habeatur. Sed quia pleraque huius Ordinis in Hispanijs Monasteria pauperrima sunt, nec tanta fratrum possunt celebritate fundari nisi manibus propriis necessaria quærant, & operum suorum facultatibus fulciantur. Ideo in huiusmodi Monasterijs bonam partem Monachorum ex laicis ad opera manuum necessariam esse iudicamus, vt ita alij aliorum opera iuuentur. Choristæ quidem, qui ma-
gis

gis in Choro, & spiritualibus occupari debent, & in manualibus quantum chori, & orationis tempus permiserit, Laicos in spiritualibus adiuuabūt, Laici verò qui magis à Choro, & spiritualibus releuantur, manuum operibus plus dediti, Choristis fratribus in temporalibus pro parte etiam sua opem ferent, & ita omnes in laboribus, vigilijs, & charitate fraterna fundati, alter alterius onera portantes, legem Domini adimplebunt.

De manuum labore.

DEclaramus etiam Monachos omnes Sãcti Basilij ex peculiari suã Regulã instituto ad laborem manuum saltem in communi teneri, non tam propter victus necessitatem, quàm propter animã salutem. Vnde cum Monachi Sancti Basilij in Regnis Hispaniarum summa paupertate laborēt, & magis quàm ceteri ad laborem obligentur; ideo iubemus iuxta præsentis Reformationis statuta dictos Monachos in illis artibus exerceri, quas Sanctus Basilius suis Monachis assignat præcipuè quæ intra domum exerceri possunt, velut texendi, pectendi, nēdi, sarcindi, vel alijs secundum Locorum, & temporum exigentiam. Non tamen ex eo bona in communi possidere prohibemus, sed quæ Dominus dederit in Domino possideant.

De cultu diuino, oratione, & Choro.

Verum quia in Monastica professione, & Sancti Basilij instituto, vt ipse in cap. secundo Monastic. constit. expressè docet spiritualis doctrina præcipuum locum tenet, reliqua vero omnia in secundis consistunt: ideo huius Ordinis Religiosi ad opus Dei, Dei scilicet Laudes, Psalmorum modulationem, orationem, & contemplationem magis intenti esse debent. Surgant igitur Choristæ media nocte ad cõstitendum Domino Matutinas, & Laudes deuotè recitantes, quibus Laicos in diebus tantum solemnibus interesse mandamus. Diluculo verò in ipso diei crepusculo, vel paulo ante, maximè hiemis tempore, omnes tam Laici, quàm Choristæ per singulos dies pariter ad Orationem consurgent, & in Choro congregati per dimidiã horam orationem mentalem habebunt, vt primi animi motus Domino cõsecrentur, & in ipsius obsequium omnes diei dirigantur actiones: oratione expleta dum Choristæ recitant Primam, & Tertiam, Laici Missam audiant, & his finitis vnusquisq; ad opus suum exibat. Et licet vbicunq; in opere Fratres sint, possint, & debeant, vt decet seruos Dei, ore, vel corde sine intermissione orare, non tamen propterea illæ statis temporibus præscriptæ orationes, & Psalmorum decantationes negligendæ veniunt, quas ob-

seruari in Conuentibus solemne est, & quotidianum. Choristæ igitur omnes diei horas statutis ab Ecclesia temporibus deuota, modesta, pariq; voce, cantabunt. Quod si id in Monasterijs Hispaniæ propter eorum inopiam, & in operibus maiorem occupationem commodè fieri non possit, quæ sint cantandæ secundum vniuscuiusq; Monasterij dispositionem Prælatorû discretioni relinquimus; dum tamen singulis diebus Missa maior, & festiuis omnes diuinæ horæ cantentur. Tempore autem Completorij rursus omnes, tam Laici, quàm Choristæ in Choro congregabuntur, & finito Completorio per aliam dimidiam horam in oratione mentali pariter persistent, vt omnes seruitutis suæ Officia persoluendo Deo de bonis gratias referentes, & de malis poenitentiam agentes noctis requiem in Domino requirât.

De vestitu, calceamento, & zona.

Præcipimus quoq; cum Sancto Basilio, vt omnes Monachi, tam Choristæ, quàm Laici eodem vestitu, & habitu exteriori, & similibus calceis decenter incedant. Quoniam tamen circa formam, & materiam habitus non alia in Sancto Basilio expressa reperitur, quàm quòd in omnibus idem vilis, sed honestus, & ad vitæ communis vsum accommodatus habitus sit, & illa in vestitu Monachali à Patribus tenenda censentur, non quæ ita vilia, & noua, vt in nouitate habitus inter ceteros eiusdem professionis habeantur insignia, & quæ derisum, aut scandalû potius inferant, quàm ædificationem, sed quæ, vel à Pontificibus Summis, vel à veteribus Religionis Patribus tradita sunt, vel quæ à Patribus nostri temporis in vfu habita Catholicæ per omne corpus Fraternitatis tenentur; vel quæ Locorum situs, vel vfu Prouinciæ admittit. Quapropter volumus, ac sæpè sæpius diffinimus ea quæ circa formam, & materiâ habitus à bo. me. Gregorio xiiij. in huius Religionis instauratione tradita, & hucusq; tã in Hispanijs, quàm in Italia in vfu communi habita sunt, & in perpetuum deinceps obseruari debere; dummodo superfluitatibus rescissis in vilitate honesta, & decora consistant. Talia igitur erunt, videlicet, Tunica præcincta zona, talaris, & clausa ex panno nigri coloris, qui vilis sit, sed honestus, & Monasticæ professioni decorus, non is, qui vulgari sermone in Hispanijs Saial nuncupatur: is enim propriè pannus non dicitur, sed vulgo contra pannum distinguitur; nec ad vitæ communis vsum satis est accommodatus, nec hucusq; inter Monachos huius professionis vnquam est visus, imo in hac nouitate multum inuisus, & in odio apud omnes extitit, quare de nouo introducendus non est. Caputium etiam ipsi erit, siue cuculla Monachalis, itaut sine caputio, vel cuculla Mo-

la Monachali nullo modo Monachi esse possint. Caputium dicimus quod caput tegat, & ad collum cum patientia, siue scapulari adunetur, quod à fronte, ad pectus non pendeat, & à tergo insolitam punctam eat. Hoc tamen caputio, quod cum scapulari inter occidentales Monachos cucullæ vicem gerit, & erat Aegyptiorum cuculla, vt ètetur Monachi ad opera manualia, ad opera vero diuina ea vtentur cuculla, quæ in partibus occidentis ab omnibus Monachis, & hucusq; à Monachis Sancti Basilij, tam in Italia, quàm in Hispanijs in vsu habita fuit, & modo apud omnes Monachos cuculla Monachalis dicitur. Erit tamen stricta, nullas, vel paruas habens rugas, siue sinus, nec adeò amplas manicas, vt à Benedictinorum cuculla, & habitu in aliquo distinguatur. Materia verò erit ex panno laneo, qui in Hispania dicitur estameña, & in Italia Saieta, dummodo sit ex eo qui crassior sit, & villiori pretio habitus. Hæc enim humilis, honesta, & ad vitæ communis vsu accomodata, nec ab vsu Monachali, & Prouinciæ aliena sunt.

De esu carniū.

Esum carniū non omnino prohibemus, siquidem, nec Sæctus Basilius expressè prohibet, quia tamen illas ad condimentum tantummodo videtur concedere. Nos easdem diebus Dominicis, & tertijs, & quintis ferijs non ad gustum oblectandum, sed vires, & valetudinem conseruandum, extra Aduentum, idq; semel in die tantummodo in meridiana comestione permittimus: poterit tamen Superior ex causa circa dierum rationem cum particularibus dispensare: nullo tamen modo cum omnibus in communi.

De vitandis quæ possunt institutum impedire.

Cum S. Basilij institutū Monasticū sit, quicquid ipsius quietē, & tranquillitatē impedire potest, aut perturbare, licet alias bonū, & laudabile, veluti eleemosynas petere, cōfessiones sæculariū audire, verbū Dei extra proprias Ecclesias populo prædicare omnino prohibemus. Ne tamē aduenientiū ad Monasterium fideiū necessitati, vel deuotioni charitatem, & cōsolationē denegemus, vnū tantum in quouis Monasterio, qui sæcularium confessiones audiat permittimus, & is, vel alius à Capitulo Prouinciali designandus, à laboribus liber, studio vacabit, & quōtidie per dimidiā saltem horæ spatium Religiosos Fratres de præceptis Domini, & ad salutis animæ, virtutisq; progressum, & perfectionem necessaria ex Sacra Scriptura pro conscientiæ instructione poterit, & debeat necessario edocere: necnon Festiuis diebus pro Prælati arbitrio currentia Euangelij loca declarare.

De situ,

De situ, & fundatione Monasteriorum, & perpetua filiatione.

Mandamus quoq; quod Monasteria non propius ab Oppidis, quàm per duo milliaria, nec sine sufficientibus redditibus, vel mediocribus possessionibus, quibus cum ad minus duodecim Monachi, & addito manu labore viginti sustentari possint de nouo fundentur; Et quod in omnibus perpetua sit filiatio, nec ex vno ad aliud Monasterium Monachi mutari possint, nisi per Capitulum Prouinciale ad nouas fundationes, & Prælaturas, Nouitiorum, & Collegiorum Magisteria Prædicatorum, & Confessorum officia, quorum ministerijs finitis in domum suam quisq; reuerteretur. Si verò alicuius delictum, & subsequens scandalum, & diuturna, & grauis, dummodo dolus non sit, infirmitas occurrerit, talis Monachus de licetia Prouincialis mutari possit, quo magis expediens iudicabitur.

De receptione Nouitiorum, & alijs.

Poterit vnusquisq; Abbas de consensu sui Capituli Nouitios seruata Concilij Tridentini, & aliarum Apostolicarum sanctionum forma ad habitum & professionem admittere; ita tamen, vt in eorum receptione declaretur quisnam in Choristam, vel in Laicum Monachum recipiatur. Si quis autem in Laicum receptus siue professus, vel ex Superioris licetia, vel aliter quomodolibet sacris initiatur, tam ipse ordinatus, quàm Superior, qui talem licentiam dederit, perpetuam ab Ordinibus suspensionem, & vocis actiuæ, & passiuæ priuationem non aliter quàm per Sedem Apostolicam dispensandi ipso facto incurrant, alijs poenis Superioris arbitrio infligendis. Volumus tamen, quòd Monachi Laici, qui duodecim annos professionis habuerint, eandem vocem actiuam habeant, ac si in sacris fuissent ordinati. Circa locum autem, & alias præcedentias volumus Sacerdotes omnibus præferri; inter Laicos verò, & Choristas, etiam Diaconos extra Chorum, & alia cultus diuini ministeria nulla sit differentia, sed vnusquisq; secundum suæ professionis antiquitatem præferatur, nec in Sacerdotem promoueri possit, nisi quem sextum professionis annum compleuisse constiterit.

De Collegio in Prouincia habendo.

Cum Sanctus Basilius interrogatus numquid expediat multa ex Scripturis edificare respondeat eum, cui aliorum rectio, procuratioq; commissa sit scientia, & sapientia excellere debere, reliquos autem secundum Apostolum, non plus sapere, quam oportet sapere. Nos vt ij, qui talia munera exercere

cere debent, possint necessaria ediscere pronũc in Hispanijs Collegiũ Hispani-
len quod sufficienter videtur dotatum, interea dum aliud in Eremo ex red-
ditibus supradicti Collegij Hispani len sine iniuria fundatoris, vel ex alijs suffi-
cientibus commodẽ fundari possit, permittimus, in quo nullus quispiam,
prater studentes, qui tamen per quatuor Annos à Magistro Nouitiorũ pro-
bati, à proprij Monasterij Prælato, & Cõuentu electi, virtute, ingenioq; præ-
stantes inuenti fuerint, atq; Rectorem, seu Abbatem, & Priorem, & Magi-
stros, necessariosq; ad Collegij ministeria Fratres Laicos omnes à Prouin-
ciali Capitulo electos ex alterius Superioris, quàm Romani Pontificis licẽ-
tia poterit commorari. Volumusq; prædictos Studentes, nec ad alia Ciui-
tatis Collegia lectiones audituros, nec ad alia negotia extra claustra, villo
modo debere exire, nisi in casibus necessarijs, à Prouinciali, vel Capitulo
Prouinciali maturẽ pensatis, Et insuper volumus, ne à laboribus desuescãt
in ijs, quẽ minus impediãt, & paucis indigeant per vnã horã quotidie in
Collegio exerceri, atq; finito studio, vel ab illo propter sufficientiam Lit-
terarum, vel studij negligentiam quouis tempore Prouincialis, & Diffini-
torum arbitrio abductos, vnũquemq; ad suum Monasterij nouitiatum per
annum iterum necessario reduci. Iulius Antonius Cardinalis Sanctæ Seue-
rinæ Protector. Nos itaq; Constitutiones, & Regulas prædictas in dicta
Prouincia Hispaniæ Ordinis Sancti Basilij recipi, & ab illius Monachis inui-
olatẽ perpetuò obseruari cupientes; Motu proprio, & ex certa scientia, ac ma-
tura deliberatione nostris, deq; Apostolicæ potestatis plenitudine præinser-
tas Constitutiones, & Regulas, auctoritate Apostolica, tenore præsentium
perpetuò in omnibus, & per omnia, prout in illis continetur, confirmamus,
& approbamus, ac ita statuimus, & decernimus, & in Prouincia Hispaniæ,
& Ordine prædictis recipi, & perpetuò posthac obseruari volumus, & ordi-
namus. Quocirca dilectis filijs Prouinciali, ac alijs Superioribus, & Mona-
chis vniuersis Ordinis, & Prouinciæ huiusmodi, in virtute sanctæ obediẽ-
tiæ, & sub præcepto formali, ac sub pœnis etiam priuationis Dignitatum,
& Officiorum quæ obtinent, ac vocis actiue, & passiuæ, necnon perpetuæ
inhabilitatis ad illa, & alia in posterum consequenda, ac demum sub cen-
suris, & pœnis Ecclesiasticis per Venerabilem Fratrem Episcopũ Giennẽ
quem eiusdem Prouinciæ, & Ordinis Reformatorem per alias nostras simi-
les Litteras in forma Breuis deputauimus infligẽdis eo ipso incurrendis di-
strictẽ præcipiendo mandamus, vt Constitutiones, & Regulas præinsertas
in Prouincia Ordinis prædicti, ac singulis eius Monasterijs respectiuẽ, prout
à dicto Episcopo Giennẽ Reformatore ordinatum fuerit, recipiant, & in-
rodu-

roducant, ac perpetuò obseruare procurèt. Nò obstantibus quibusuis Iuris communis impeditentis; vel inhabilitatibus, necnon Constitutionibus, & ordinationibus Apostolicis, ac Ordinis, & Prouinciæ prædictorum, etiam iuramento, confirmatione Apostolica, vel quauis firmitate alia roboratis statutis, & consuetudinibus, priuilegijs quoq; indultis, & Litteris Apostolicis eidem Ordini, eiusq; Abbati Generali, necnon dictæ Prouinciæ, eiusq; Superioribus, & Monachis, sub quibuscunq; tenoribus, & formis, ac clausulis, & decretis in contrarium præmissorum quomodolibet concessis, confirmatis, & approbatis: Quibus omnibus, & singulis eorum tenores præsentibus pro expressis habentes; hac vice dumtaxat specialiter, & expressè derogamus, cæterisq; contrarijs quibuscunq;. Volumus autem, vt præsentium transumptis manu alicuius Notarij publici subscriptis, & sigillo alicuius personæ in dignitate Ecclesiastica constitutæ munitis eadē fides habeatur, quæ præsentibus ipsis haberetur. Dat. Romæ apud Sanctum Petrum sub Annulo Piscatoris, Die vndecima Februarij. M. D C II. Pontificatus Nostri Anno Vndecimò.

M. Vestrius Barbianus.

ROMÆ, Ex Typographia Camera Apostolicæ

M D C II.